

Comunicado da Comissom Lingüística da AGAL a propósito da próxima oficializaçom em Portugal do Acordo Ortográfico da Língua Portuguesa de 1990

A Comissom Lingüística da Associação Galega da Língua, enquanto organismo codificador e orientador de usos lingüísticos focalizado na norma e na comunidade galegas da língua galego-portuguesa, mas fortemente solidário com o estado e evoluçom das demais variantes da língua comum, nom pode permanecer alheia ao importante acontecimento que representa a próxima oficializaçom em Portugal do Acordo Ortográfico da Língua Portuguesa de 1990 (AOLP-1990), cujas prescriçoms já vigoram no Brasil.

A este respeito, a Comissom Lingüística da AGAL deseja manifestar perante a opiniom pública a sua plena satisfaçom por tal medida, já que entende que a aplicaçom do acordo ortográfico no Brasil e em Portugal -bem como, no sucessivo, nos países africanos e asiáticos de expressom portuguesa-, homogeneizando a escrita, incrementará a coesom, a eficácia e a economia comunicativas no seio da Lusofonia, o que, por sua vez, favorecerá a projecçom internacional da nossa língua e, sem dúvida, também a sua valorizaçom e promoçom social na própria Galiza.

É precisamente a circunstância de na Galiza se revelar ainda indispensável investirmos intensos esforços e energias para garantirmos a viabilidade social da língua galego-portuguesa, quer dizer, é a circunstância de o galego-português continuar a enquadrar-se na actual Galiza numha situaçom de profunda anormalidade cultural e social, derivada de séculos de obscuridade e de trinta anos de obscurantismo, que, por outro lado, leva a Comissom Lingüística da AGAL, sem prejuízo do acima declarado, a reafirmar a plena vigência e a alta utilidade social da sua normativa ortográfica e morfológica, nom completamente coincidente com o AOLP-1990, mas sim com ele nitidamente solidária e para ele passível de convergir.

Neste sentido, e como corolário do afirmado, a Comissom Lingüística da AGAL deseja anunciar a sua disposiçom para, em breve prazo, acometer umha actualizaçom da sua proposta ortográfica, a qual, convenientemente guiada polo AOLP-1990, também deverá representar um avanço no caminho da desejável unificaçom ortográfica da língua galego-portuguesa, património

comum dos Galegos e de cerca de douscentos milhons de pessoas, habitantes de vários continentes e integradas numha comunidade humana cada vez mais mundializada.

Em Santiago de Compostela, a 31 de Janeiro de 2009.